

**EVANGE=||LIA || QVAE CONSVETO || MORE DOMINICIS ET ||
alijs Festis diebus in Eccle-||sia leguntur**

Aemilius, Georg

COLONIAE, 1555

Dominica X. Post Trinitat. Evangelium Lvcae XIX. Cap.

[urn:nbn:de:hbz:466:1-69317](#)

EVANGELIA

Muneraq; alternis meritis accepta rependant.

DOMINICA X. POST TRINITAT.

EVANGELIUM LVCAE XIX. CAP.

ARGUMENTVM.

Excidium impendens Solymis deplorat Iesu:

Emptoresq; sacra pellit ab æde uiros.



CVM Solymā Christ⁹ propri⁹ iā ueneraturb⁹,
Aspiciens oculis lachrymas effudit obort⁹.
Talia subiiciens: ô si malē sana uideres,
Illaq; nouisses, tibi quæ uentura trahuntur,
Debita curares seruandæ munera pacis,
Bellaq; sollicito studio funesta caueres:
Sed nunc ista latent oculis abscondita cœcis.
Ecce dies uenient in te, cùm mœnia cingent
Obsidione feri, uallisq; prementibus, hostes,
Et te concludent imicis undiq; signis.

Inde

DOMINICALIA.

Inde solo muros æquabunt præcipitatos,
Prosternentq; tuos effuso sanguine natos.
Non lapidem supra lapidem gens seuia relinquet,
Omnia sed fundo uiolans euertet ab imo.
Ista tibi euenient uenturis cuncta diebus,
Accipere oblatam rigida quod fronte salutem
Nolueris, tempusq; tui cognoscere fati.
Hæc ubi singulu pleno lachrymisq; profusis
Verba locutus erat, templum concendit Iesus:
Hic ubi uidentes pariterq; offendit ementes,
Exercent qualem monopoliæ sordida questum,
Indoluit rebus fœdari sacra prophanis.
Protinus ejiciens illos pulsante flagello,
Increpat his uerbis: Domus est domus ista precandi,
At uos fecistis speluncam hanc esse latronum.
Illi diffugunt multo uibice coacti,
Abripiuntq; suas merces, foribusq; propinquant.
Talibus exactis, cælestia iussa docebat
Quotidie in templo: quare uesana furensq;
Turba Sacerdotum, Scribe, populiq; potentes
Perdere quærebant occultis fraudibus illum.
Nec tamen optatam causam reperire ualebant:
Totus enim populus pendebat ab ore docentis,
Illi auscultans uoci noctesq; diesq;.

I 3 DOMI-